

AFAATAFATECHUN PROUSEN EKKEI OPPOS IKA SAFEI (Chuukese)

Mei tufich an ewe opposun COVID-19 epwe tongeni ngeni inisi semwenin COVID?



Apw. Ese wor me nein ekkewe opposun ei [COVID-19 mei mwumwutta non United States](#) mei wor meenun ei semwen COVID-19 non. lei wewen an ese tufich an epwe wor menun ei COVID remw faniten chok omw angei ewe opposun COVID-19. Ekkewe opposun COVID-19 echok aiiti ngeni mennun non inisich an epwe esina me fiiu ngeni ekkewe menun ei samwaw COVID-19. Fan ekkoch kopwe tongeni mefi wonungaw me mwirin omw angei ewe oppos, ren pwichikar me feeuw ika metekitek. Ekkei nikinikin samwaw sipwe mefi essinen an inisich a poputa nee

oppochokuna an epwe eppeti me fiiu ngeni menun ei semwen COVID-19.

Mei tufich an inisumw epwe paachekeen won mecha (chisaku) me mwirin omw angei ewe opposun COVID-19?



Apw. Inisumw ese tongeni an epwe chisaku ika paachekai won mecha pokiten ka angei ewe opposun COVID-19, pachenong ikewe iia a oppos ia nappe ngeni won peumw. Ese wor ekkewe sokkun metoch epwe tongeni echisaku inisumw mei nofittinong non ekkewe opposun COVID-19. Non unusen ekkei opposun COVID-19 ese wor mecha noon.

Mei tufich pwe ei opposun COVID-19 epwe tongeni ekkesiwini omw DNA?



Apw. Ekkewe opposun ei COVID-19 rese tongeni kochuu ika ekkesiwini omw DNA. Ewe mRNA me kewe menun non ei opposun COVID-19 re chok aitti ngeni menun non inisich ar repwe tongeni eppetti menun ewe semwen COVID-19. Rese pwal tonong neuttun mennun non inisich, ikkewe ach DNA ra nonnomw iaan.

Mei tufich pwe epwe tongeni positive pungun ai check ren COVID-19 me mwirin ai angei ewe oppos?



Apw. Ese wor me nein ekkewe opposun COVID-19 mei mummuta ach sipwe angei epwe tongeni efissi ngonuk pwe epwe nee nomw remw menun ewe samwaw nupwen ra checkuk. Mei tongeni positive puungun omw ewe check won ekkoch check in paiking ika pwe inisumw a pwisin epechokuna me eppetti sonuk ekkewe manaman mei nomw non ekkewe oppos. Ekkei test raa pwarata pwe a toruk menun ewe semwen fiti an inisumw a fen popputa nee epetti sonuk samwawun ewe semwen.

Mei tufich pwe ai semwenin maram epwe tongeni osukosuk ika pwe uu nomw winiorun emon mei angei ewe opposun COVID-19?



Apw. Omw nomw unukun emon a piin angei ewe opposun COVID-19 ese tongeni osukosuka omw semwenin maram. Mei chommong met ra tongeni osukosuka teteniochun omw semwenin maram, awewe chok ren saachapachen ekkiek, ekkesiwinin met ke kan foffori, nafangawen omw asoso ika mour, me pwal ekkesiwinin omw mongo ika mwokutukut. Paiking mei tongeni pwal osukosuka omw semwenin maram.

Ngang mei tongeni angei ewe opposun COVID-19 ika pwe ngang mei pwopwo?

Ewer, ika mwo ngang mei pwopwo, ngang mei chok tongeni angei ewe opposun COVID. Mei chok auchea omw kopwe porous ngeni noumw ewe doctor ika chon angangen pioing ar repwe annisuk omw kopwe finata ika kopwe angei ewe oppos. Ika mwo omw churir me porous ngenir mei auchea nge esapw eew metoch mei awenewen an epwe fiis me mwen omw kopwe oppos. Ika pwe en mei pwopwo nge ka fen oppos, iwe sia pesei ngonuk omw kopwe menuni ewe [v-safe](#), CDC's smartphone-based tool an epwe annisuk omw kopwe checheck me mwirin omw angei ewe oppos. Ewe [v-safe pregnancy registry](#) a foruta an epwe ioni auchean porous faniten ekkewe fefin mei pwopwo ra fen angei ekkewe oppos.

Mei tufich me tongeni ai upwe chiwen nounou semirit ika pwe upwe angei ei opposun COVID-19?



Ewer. Ewer ese wor osukosuken ewe opposun COVID-19 ngeni omw kopwe pwopwo iei ika pwal nessor me mwach ekan. Tori ikenai, ese mwo wor met epwe pwarata pwe ekkewe opposun COVID-19 mei tongeni osukosuka omw kopwe pwopwo ika pwal maariochun omw nenien monukon. Napponon, ese mwo pwal wor met mei pwarata pwe an fefin ika mwan tufichin nounou mei tongeni osukosuk ika ngawono faniten ar angei oppos, pachenong kewe opposun COVID-19. Usun oppos meinis, scientists mei kaeofichii me essinei

ngeni aramas ekkewe sokkun osukosuk mei tongeni fiis me mwirin ach angei ekkewe oppos.


Mei tufich pwe epwe mecheres ika koon choow ewe semwenin COVID ngeni ekkewe mei pwopwo ika ekkewe re keran chok pwopwo?

Ika mwo pwe esapw koon choow ei semwen ngeni fefin mei pwopwo, nge nupwen sia anonouw fongeni ekkewe mei pwopwo ika ekkewe re keran chok pwopwo ngeni ekkewe rese mwo pwopwo iwe sia kuna pwe ee koon watte choowun ei semwen COVID-19 won ekkewe mei pwopwo naap seni kewe rese mwo pwopwo. Choowun ei semwen mei tongeni an epwe atononga ewe mei pwopwo non pioing, kewe nenien mei chow aar samwau (ICU), watta won ventilators ika kewe mwesinen anninisin ach ngasangas, ika fen an epwe fen pwal sopwono. Napenon, a mecheres an epwe turuseni ewe inenap mei uri ewe semwen COVID-19 noun ewe monukon ika fen uputiw nge ese mwo tori ururun atun an epwe upwitiw. Ika pwe en mei pwopwo nge mei ese mwo faatoch omw finata faniten ai opposun COVID-19, iwe a auchea kopwe ekkiek won ekkei metoch:

- Mecheresin an epwe urruk COVID-19
- Mecheresin an epwe choow womw ewe semwen
- Mwirinon me auchean omw kopwe angei ewe oppos

- Nafangawen nge wattenon poppun omw kewe angei ewe oppos fansoun omw pwopwo

Ika pwe en mei mochen porous ngeni emon faniten ewe opposun COVID-19 nupwen omw pwopwo, kose mochen kokori MotherToBaby. Chon angangen MotherToBaby mei monota nee porous ngonuk ika penuweni omw kapas eis non kapasen Merika ika Spain. Iir mei tongeni annisuk seni 8 am – 5 pm (Kunokun Neniomw ewe) seni Sarinfan ngeni Enimuw. Ka tongeni kokkori 1-866-626-6847 omw kopwe porous ngeni MotherToBaby.



This resource is created by funding under ACL of the US HHS, award #90DDC50058.

Sources:

Bust Common Myths and Learn the Facts, Updated July 7, 2021.
<https://www.cdc.gov/coronavirus/2019-ncov/vaccines/facts.html>

COVID-19 Vaccines While Pregnant, Centers for Disease Control and Prevention, Updated June 29, 2021.
<https://www.cdc.gov/coronavirus/2019-ncov/vaccines/recommendations/pregnancy.html>

